

*Resolución da Dirección Territorial da Consellería do Mar na Coruña pola que se publica a lista provisional de puntuacións das embarcacións admitidas no proceso para a elaboración da lista aberta para o incremento do número de cotas de captura para as embarcacións incluídas no plan de xestión conxunto da Zona VII do recurso específico SOLÉNIDOS, modalidade mergullo con subministro de aire dende a superficie, das confrarías de pescadores da Coruña, Ferrol, Barallobre, Miño e Mugardos*

## ANTECEDENTES

1. O 27.02.2026 esta dirección territorial emite resolución pola que se publica a lista aberta para o incremento do número de cotas de captura para as embarcacións incluídas no plan de xestión conxunto da Zona VII do recurso específico SOLÉNIDOS, modalidade mergullo con subministro de aire dende a superficie, das confrarías de pescadores da Coruña, Ferrol, Barallobre, Miño e Mugardos.
2. O 03.03.2026 esta dirección territorial emite resolución pola que se comunica o emprego da lista aberta para o incremento do número de cotas de captura para as embarcacións incluídas no plan de xestión conxunto da Zona VII do recurso específico SOLÉNIDOS, modalidade mergullo con subministro de aire dende a superficie, das confrarías de pescadores da Coruña, Ferrol, Barallobre, Miño e Mugardos.
3. O embarcación BUXIA (CFPO 51022), única integrante da lista, acada unha (1) cota máis da modalidade, pasando de ter unha (1) a ter dúas (2) cotas, o cal afecta á súa puntuación na lista aberta.
4. O 04.03.2026 e o 26.05.2026, con RXE 2026/633665 e 2026/1463318 respectivamente, as embarcacións NURIA (CFPO 51250) e CARMELITA (CFPO 57319) solicitan a súa inclusión nesta lista.

## CONSIDERACIÓNS LEGAIS E TÉCNICAS

1. O Decreto 153/2019 do 21 de novembro, polo que se regula o réxime de conservación e explotación dos recursos marisqueiros e das algas, establece no artigo 17.2 que cando o número de participantes sexa inferior ao máximo establecido no plan de xestión, o departamento territorial da consellería competente en materia de marisqueo incrementará anualmente o número de participantes no plan ata o máximo establecido, sen prexuízo das medidas de adaptación establecidas no artigo 21.
2. A Orde do 30 de decembro de 2015 pola que se regula a explotación dos recursos específicos no ámbito da Comunidade Autónoma de Galicia, establece nos artigos 39 a 46 o procedemento para o incremento do número de cotas de captura para as embarcacións

**Departamento Territorial da Coruña**  
Rúa Ramón y Cajal, 2 5º andar (Casa do Mar)  
15006 A Coruña  
Tel.: 981 182 000  
[departamentoterritorial.mar.coruna@xunta.gal](mailto:departamentoterritorial.mar.coruna@xunta.gal)





incluídas nun plan de xestión. No seu artigo 39 establece un sistema de lista aberta para o incremento do número de cotas de captura para as embarcacións incluídas nun plan de xestión na que a orde de prelación das embarcacións virá determinado pola puntuación obtida trala aplicación do baremo previsto no artigo 43.1. Así mesmo, no artigo 39.4 indica que as listas permanecerán abertas permanentemente para que as persoas armadoras interesadas poidan solicitar a inscrición.

3. Todas as solicitudes que cumpran os requisitos sinalados nesta resolución serán valoradas de acordo co establecido no anexo I (epígrafes A e C) do baremo aprobado pola Resolución do 4 maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020 da Dirección Xeral de Desenvolvemento Pesqueiro. Este baremo inclúe una puntuación de 5 para as embarcacións que contén cunha (1) soa cota de captura.

4. Este departamento territorial é o órgano competente para a elaboración e o control das listas, así como para a súa actualización e para comunicar o seu emprego de conformidade co establecido na sección 4ª do capítulo III e o artigo 52 da Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia.

De acordo con todo o anterior,

#### RESOLVO:

1. Publicar a actualización da lista aberta para o incremento do número de cotas de captura para as embarcacións incluídas no plan de xestión conxunto da Zona VII para o recurso específico Solénidos, modalidade mergullo con subministro de aire dende a superficie, das confrarías de pescadores da Coruña, Ferrol, Barallobre, Miño e Mugardos, así como a puntuación provisional outorgada, no Anexo I desta resolución.

Contra a puntuación provisional as persoas interesadas poderán presentar alegacións no prazo de 15 días hábiles, contados a partir do seguinte ao da publicación desta resolución, ante o Departamento Territorial da Coruña da Consellería do Mar. As alegacións non se contestarán expresamente de xeito individualizado, aínda que, de ser o caso, si se terán en conta para a puntuación definitiva.

A presente resolución publicarase na páxina web <http://www.mar.xunta.gal>. A resolución tamén se exporá, con carácter informativo, nos taboleiros das Confrarías de pescadores da Coruña, Ferrol, Barallobre, Miño e Mugardos, no do departamento territorial da Coruña e no da xefatura comarcal de Ferrol da Consellería do Mar.

A directora territorial  
Mª José Cancelo Baquero





## ANEXO I:

### Lista aberta para o incremento do número de cotas de captura para as embarcacións incluídas no plan conxunto de xestión de solénidos das confrarías de pescadores da Coruña, Ferrol, Barallobre, Miño e Mugardos (Zona VII)

Embarcación e CFPO	Matrícula	Folio	Embarcación cunha soa cota de captura (C.1)	Experiencia profesional persoa armadora (C.2)	Habitualidade pesqueira (C.3)	Total
CARMELITA (57319)	CO-4	1399	5,00	0,60	3,00	8,60
NURIA (51250)	CO-2	3769	5,00	0,00	0,00	5,00
BUXIA (51022)	CO-1	2454	0,00	0,20	1,00	1,20

Os epígrafes de cada columna son: (de acordo co apartado C do anexo I da Resolución do 4 de maio de 2016, da Dirección Xeral de Desenvolvemento Pesqueiro, pola que se aproba o baremo para acceder ás modalidades de recursos específicos no permiso de explotación das embarcacións, así como para elaborar as listas e actualizar os méritos para o incremento do número de cotas de captura para as embarcacións incluídas nun plan de xestión de recursos específicos, modificada pola Resolución do 18 de maio de 2020, da Dirección Xeral de Desenvolvemento Pesqueiro)

- **TOTAL:** puntos acadados en total.
- **C.1: Embarcacións que só teñen unha cota de captura no plan de xestión: 5 puntos.**
- **C.2: Experiencia profesional no sector da persoa armadora da embarcación.**

Terase en conta que a persoa armadora estivese enrolada como mergulladora en embarcacións que contan coa modalidade nos 2 anos anteriores á data da convocatoria: 0,2 puntos/mes completo. Para as embarcacións que solicitan a inscrición na lista, unha vez confeccionada, entenderase nos 2 anos anteriores á data da entrada da súa solicitude no Rexistro electrónico da Xunta de Galicia.

**A puntuación máxima total que se poderá obter nesta epígrafe será de 4 puntos.**

- **C.3: Habitualidade da actividade pesqueira.**

Se a embarcación acredita ter realizado actividade extractiva entre 15-35 % dos días que foron efectivamente autorizados para a extracción dentro do plan de xestión do ano natural inmediatamente anterior: 1 punto.

Se a embarcación acredita ter realizado actividade extractiva entre 35,01-60 % dos días que foron efectivamente autorizados para a extracción dentro do plan de xestión do ano natural inmediatamente anterior: 2 puntos.

Se a embarcación acredita ter realizado actividade extractiva superior a un 60,01 % dos días que foron efectivamente autorizados para a extracción dentro do plan de xestión do ano natural inmediatamente anterior: 3 puntos.

Para as embarcacións que solicitan a inscrición na lista, unha vez confeccionada, entenderase o ano natural inmediatamente anterior á data da entrada da súa solicitude no Rexistro electrónico da Xunta de Galicia.

**A puntuación máxima total que se poderá obter nesta epígrafe será de 3 puntos.**

